



SURAT PEKELILING PERBENDAHARAAN BIL. 5 TAHUN 1976

Kepada:

Semua Ketua Setiausaha Kementerian.

Semua Ketua Jabatan Persekutuan.

Semua Yang Berhormat Setiausaha Kerajaan Negeri.

Insuran Nyawa Yang Meliputi Penerbangan-Penerbangan Tentera Udara Di Raja Malaysia Atau Penerbangan-Penerbangan Yang Tidak Berjadual Bagi Pegawai-Pegawai Yang Bertugas di Dalam dan Di Luar Negeri

Tuan,

Adalah dipercayai ramai pegawai-pegawai Kerajaan mempunyai polisi insuran-insuran nyawa dan suka mengetahui, adakah polisi insuran nyawa yang diambil oleh mereka boleh mendapati bayaran ganti rugi sekiranya berlaku kematian atau kemalangan semasa menaiki kapal terbang dan termasuklah juga penerbangan yang dikirakan sebagai tidak berjadual (unscheduled flight), misalnya menaiki kapal terbang TUDM atau pun kapal terbang-kapal terbang yang disewa khas semasa mereka menjalankan tugas-tugas Kerajaan. Perkara yang disebutkan terkemudian itu dinyatakan kerana selalu juga pegawai-pegawai Kerajaan dikehendaki menaiki kapal terbang TUDM atau pun kapal terbang-kapal terbang yang disewa khas.

2. Pertanyaan-pertanyaan kepada beberapa syarikat-syarikat insuran nyawa telah baru-baru ini dikemukakan dan di bawah ini diturunkan senarai syarikat-syarikat insuran nyawa bersama kenyataan adakah syarikat itu mengenakan sekatan tuntutan ganti rugi insuran nyawa atau sebaliknya jika bersabit dengan penerbangan-penerbangan yang tidak berjadual atau penerbangan di dalam kapal terbang yang disewa khas:-

Tiada sekatan ke atas polisi insuran nyawa

- (i) Malaysian Co-operative Insurance Society Ltd.,
- (ii) Malaysia National Insurance Sdn. Berhad.
- (iii) Safety Life and General Insurance Sdn Berhad.
- (iv) Talasco Insurance Sdn. Berhad.
- (v) American International Assurance Co. Ltd.
- (vi) China Life Insurance Co. Ltd.
- (vii) First Life Insurance Co. (Pte) Ltd.
- (viii) Great Eastern Life Assurance Co. Ltd.
- (ix) Life Insurance Corporation of India.
- (x) Overseas Assurance Corporation Ltd.
- (xi) Prudential Assurance Co. Ltd.

Sekatan ke atas polisi insuran nyawa

- +1. Malaysian American Assurance Co. berhad.
- +2. Malaysia Pacific Insurance Co. Berhad.
- +3. United Malayan Insurance Co. Berhad.
- 4. Asia Life Assurance Society Ltd.
- +5. China Underwriters Life & General Insurance Co. Ltd.
- 6. Public Life Assurance Co. Ltd.
- 7. Tai Ping Life Insurance Co. Ltd.
- 8. Wing On Life Assurance Co. Ltd.

(+) menunjukkan sekiranya permohonan dibuat kepada syarikat insuran, syarikat itu mempunyai hak samada mengenakan premium tambahan atau memberi perlindungan tanpa apa-apa pembayaran.

3. Pegawai-pegawai Kerajaan yang menaiki kapal terbang yang tidak berjadual atau disewa khas untuk menjalankan tugas-tugas resmi dan telah pun ada mempunyai polisi insuran-insuran nyawa tetapi masih berhajat pula mengetahui kemudahan-kemudahan tuntutan ganti rugi yang diberi berkenaan dengan polisi insuran nyawa yang telah diambil oleh mereka itu, baiklah berhubung dengan syarikat-syarikat insuran mereka untuk mengesahkan syarat-syarat sepenuhnya bagi polisi insuran nyawa yang diambil oleh masing-masing.

4. Pegawai-pegawai Kerajaan yang suka mengetahui lebih mendalam hal ehwal insuran nyawa, bolehlah berhubung dengan Ketua Pengarah Bahagian Insuran, Perbendaharaan Malaysia, Tingkat 1, Bangunan Straits Trading, Kuala Lumpur.

(DATO' ABDULLAH BIN AYUB)
Ketua Setiausaha Perbendaharaan.